

事比丘聞如是罪知如是罪而故生瞋心於持戒者我今說此諸佛世尊所不能治迦葉是故營事比丘聞如是非法罪已應當善護身口意業自護亦護他迦葉營事比丘寧自噉身肉終不雜用三寶之物作衣鉢飲食尔時摩訶迦葉白佛言世尊未曾有也如來自

以慈心說如是法爲無慚愧者說無慚愧法
有慚愧者說慚愧法

土末

大寶積經卷第一百一十三

字三

大寶積經卷第一百一十四

字四

北涼沙門釋道襲於張掖譯

寶梁聚會第四十四之二

蘭若比丘品第五

爾時摩訶迦葉白佛言世尊若有比丘自言阿蘭若比丘世尊齊幾所名阿蘭若比丘齊

幾所名乞食比丘齊幾所名畜糞掃衣比丘齊幾所名樹下比丘齊幾所名家間比丘齊幾所名露處比丘佛告迦葉阿蘭若比丘必樂阿蘭若處住阿蘭若處迦葉若阿蘭若處所謂無大聲無衆鬧聲離麛鹿虎狼及諸飛鳥遠諸賊盜及牧牛羊者順沙門行處如是阿蘭若處應於中修行彼比丘若欲至阿蘭若處應當思惟八法何等八一者我當捨身二者應當捨命三者當捨利養四者離於一切所愛樂處五者於山間死當如鹿死六者阿蘭若處當受阿蘭若行七者當以法自活八者非以煩惱自活迦葉是名八法阿蘭若比丘所應思惟思惟已當至阿蘭若處迦葉阿蘭若比丘至阿蘭若處已行阿蘭若法以八行行慈於一切衆生生慈心何等八一者以慈利益二者以慈樂三者無恚慈四者正慈五者無異慈六者順慈七者觀一切法慈八者淨如虛空慈迦葉以如是八行於諸衆

生生慈心迦華阿蘭若處已應如是思惟我雖至遠處獨無伴侶若我行善若行不善無人教呵復作是念此有諸天龍鬼神諸佛世尊知我專心彼爲我證我今在此行阿蘭若法我不善心不得自在若我至此極遠之處獨無伴侶無親近者無我所

有我今當覓欲覺恚覺惱覺餘不善法亦應當覺我今不應不異於樂衆者亦不應不異近聚落人若如是不異我即爲誑諸天龍鬼神已諸佛見我我亦不歡悅我今若如阿蘭若法則諸天龍鬼神不見呵責諸佛見我即亦歡悅迦葉阿蘭若比丘住阿蘭若處行阿

蘭若法一心堅持解脫禁戒善護戒衆淨身口意無謾謗行淨於正命心向諸定如所聞法應憶念之勤正思惟趣向離欲寂滅涅槃畏於生死觀五陰如怨家觀四大如毒蛇觀六入如空聚善知方便觀十二因緣離斷常見觀無衆生無我無人無命解法空相行於

字四

無相漸損所作而行無作心常驚畏於三界行常勤修行如救頭然常行精進終不退轉觀身實相應生如是心觀如是法當知苦本斷一切集證於滅盡勤修於道行於慈心安住四念處離不善法入善法門安住四正勤入四如意足護五善根於五力中而得自在覺七菩提分勤行八聖善道分受持禪定以慧分別諸法之相迦葉說如是法以嚴飾阿蘭若比丘作是嚴飾已住於山林初夜後夜勤修諸行不應睡眠常念欲得出世之法迦葉阿蘭若比丘凡所住處常修行道不自嚴身及諸衣服捨乾枯草以用敷坐自用坐具離常住僧及招提僧物於阿蘭若處衣服知足趣得覆身爲行聖道故迦葉阿蘭若比丘若爲乞食至城邑聚落應作是念我從阿蘭若處至是城邑聚落若得食若不得食心無憂喜若不得食者應生喜心念宿業報我今當勤修習福業妄念如來乞食亦不可得彼

阿蘭若比丘入於城邑聚落乞食應以法莊嚴法莊嚴已然後乞食云何法莊嚴若見適意色不應染著見不適意色亦不生瞋若聞適意聲不適意聲若觸適意香不適意香適意味不適意味適意觸不適意觸適意法不適意法心無染著亦不生瞋攝護根門諦視

字四

三

一尋調伏其心本所思法不令離心不以食汙心而行乞食應次第乞食若得食處不應生喜不得食處不應生瞋若至十家若過十家不得食者不應生憂應作是心此諸長者及婆羅門多有諸緣不與我食又此長者諸婆羅門乃至未曾生心念我況與我食迦葉

阿蘭若比丘若能如是於乞食中不生驚畏迦葉阿蘭若比丘乞食時若見衆生若男若女若童男童女乃至畜生應於是中生慈悲心我行如是精進作如是願若衆生見我及與我食者皆生天上迦葉阿蘭若比丘若得麁食若得細食受是食已應觀四方此村邑

中誰貧窮者當減此食以施與之若見貧人所可乞食即分半與若不見貧者應生是心我眼所不見衆生我所得食於中好者願施與之我爲施主彼爲受者迦葉阿蘭若比丘乞食得受食已持至阿蘭若處淨洗手足淨沙門儀式具一切淨法如法取草已結跏趺

坐坐已而食心無愛著亦無貢高無有瞋心無濁亂心臨欲食時如是思惟今此身中有八萬戶蟲蟲得此食皆悉安樂我今以食攝此諸蟲我得阿耨多羅三藐三菩提時以法攝取迦葉又時阿蘭若比丘食或不足應作是念我今身輕能修忍辱斷除諸惡少大小便得身輕已亦得心輕又得少睡亦不起欲想應作如是思惟迦葉阿蘭若比丘若乞食得多應生知足想應於食中減取一擣置淨石上如是思惟有諸鳥獸能噉食者我以施之彼爲受者迦葉阿蘭若比丘食已洗鉢漱口洗手淨滌應器手拭令乾舉僧伽梨衣阿

蘭若處行不離本所思惟法相迦葉阿蘭若比丘行阿蘭若行時若是凡夫未得沙門果或時虎狼來至其所若見不應生畏作如是念我本來至阿蘭若處時已捨身命我不應驚畏應修慈心離一切惡亦離怖畏若諸虎狼斷我命根噉我身肉當生是念我得大利

字四

四

以不堅身當得堅身此諸虎狼我不與食今噉我肉已身得安樂迦葉阿蘭若比丘行阿蘭若法應如是捨身命迦葉阿蘭若比丘行阿蘭若法若有非人或作好色或作惡色來至其所於此非人不生愛心不生瞋心迦葉或有曾見佛諸天來至阿蘭若所作諸問難問

字四

五

藥草及諸樹林云何和合云何散滅如此外物無主無我無有我所亦無諍訟自生自滅無生滅者迦葉如草木瓦石無我無主亦無所屬此身亦爾無我無命無人無衆生無諍訟從衆緣生緣離則滅此如實中無有一法若生若滅迦葉如是法阿蘭若比丘至阿蘭若處所應修行迦葉阿蘭若比丘行如是法天說或時諸天有深問難阿蘭若比丘若不能答不應生於憍慢之心應作是言我不多聞汝莫輕我我今當勤修學佛法或時我得通佛法已能一切答又應勸請諸天汝等今當爲我說法我當聽受又應如是報謝言願勿嫌也復次迦葉阿蘭若比丘行阿蘭若法善修阿蘭若想猶如草木瓦石無主無我亦無所屬此身亦爾無我無命無人無衆生無諍訟此法皆從緣合而生於此法中若善思惟我當得斷一切諸見常應思惟空無相無作法迦葉阿蘭若比丘行阿蘭若法時若菓

一切漏心得解脫
乞食比丘品第六

佛告迦葉云何比丘乞食迦葉若有比丘先安住本誓我依乞食出家我今住先誓彼比丘專念有無諛諸離一切請食離一切僧中供養堅自莊嚴乞食比丘於一切味中不應

生好味想又於上妙食中自勸其心生如是想我如旃陀羅應淨身心不應淨飲食何以故食好食已一切爲糞臭穢不淨故我不應求好食如是調伏心已若入城邑聚落次第乞食不應生如是想男子與我食非女人女人與我食非童男童男與我食非童女童女與我食非童男應得細食非鹿食應得美食非不美食應故與食非不故與應易得食非不易應速得食非不速若入人村應得恭敬非不恭敬應得新食非宿食應得富家食非貧家食男子女人衆應來迎我迦葉乞食比丘如是不善法不應思惟迦葉乞食比丘應

如是自莊嚴此是乞食常所行法若乞食時得與不得無有憂喜不應生於麤細食想何以故多有衆生貪著美味由著味故作諸惡業惡業因緣故墮於地獄畜生餓鬼若知足者不貪美味應捨細食受取麤食除舌著味其心知足得極麤食亦當知足彼若命終生

於天上或生人中生天上已食天美食迦葉如是乞食比丘離於味愛以調伏心若七日噉豆亦不生憂何以故趣活身故我今食已足以修道以是故食迦葉乞食比丘得此食分墮鉢中者如法所得如法利養應與梵行比丘共食此食迦葉乞食比丘或時有病無

字四

六

有使人不能乞食此應如是調伏其心我獨無侶一身出家法是我伴我應念法今我病苦如世尊說諸比丘應念於法我所聞法應善思惟云何善思惟如實觀身如實觀身已有智慧者若獨一心能得初禪則有是處得初禪樂若一日若二日乃至七日以禪爲食

其心歡悅迦葉乞食比丘行如是法若不得禪應如是勤行安住善法中有多人所知諸天龍神送食與之此是離輞報故迦葉或乞食比丘值天大雨或大風塵不能乞食余時以慈爲食而自莊嚴於所行法安住思惟若二夜三夜不得食者應生是念有多衆生墮餓鬼中作惡業故苦惱所切乃至百歲不得一睡我今安住諸法門中應生是念身心羸劣今我堪忍飢渴勤修聖道不應退轉迦葉乞食比丘不應親近在家之人男子女人童男童女迦葉若乞食比丘令在家人擇去食中諸不淨物於坐處坐應爲說法乃至食淨還受食已從坐起去迦葉乞食比丘不應自現諛詔云何自現諛詔若爲他人說如是言我今乞得鹿惡之食又復不足與多衆共食我食少我今飢渴身力羸劣迦葉是名自現諛詔迦葉乞食比丘如是之事應當遠離迦葉乞食比丘於一切事應生捨心若食墮鉢

字四

十

中若鹿若細若少若多若淨若不淨一切應受心無憂喜常應淨心觀諸法相趣得活身爲行聖道是故受食迦葉乞食比丘或時入於城邑聚落次第乞食若不得食空鉢而出應念如來有大威德捨轉輪王位而行出家斷一切惡法成一切善法入村乞食尚空鉢出況我薄福不種善根不空鉢還也是故不應生憂何以故不種善根能得鹿食細食無有是處我不得食或自有魔或魔所使或魔覆蔽諸婆羅門居士令我乞食不得我當勤修離於四魔斷一切煩惱若我勤修如是道已非魔波旬非魔所使能作留難迦葉乞食比丘應如是受持聖種

糞掃衣比丘品第七

佛告迦葉畜糞掃衣比丘拾糞掃物作如是想爲慚愧故非以衣自嚴飾故爲障風吹日曝蚊虻蟻子諸惡觸故安住佛教故非求淨好故於糞掃中拾取華物取時應生二種想

何等二一者知足想二者易養想復生二想一者無慢想二者持聖種想復生二想一者不以嚴身二者令心淨故迦葉畜糞掃衣比丘於糞掃中拾取棄物時若於是處見諸親族知識見已即止不取而作是念此諸人輩或訶責我言汝是不淨人迦葉我說是比丘

不得淨行何以故畜糞掃衣比丘心堅如石外物不入亦不能動故迦葉畜糞掃衣比丘捨糞掃中物應淨浣濯令無垢膩浣已好潔染已作憎伽梨善合善綴善縫善受受已應著莫令綻壞迦葉畜糞掃衣比丘安住不淨觀中著糞掃衣爲離欲故慈心著糞掃衣爲

離瞋恚故觀十二因緣著糞掃衣爲離癡故止思惟著糞掃衣爲斷一切煩惱故攝護諸根著糞掃衣爲知六入故不諛詣著糞掃衣爲令諸天龍神喜悅故迦葉何故名糞掃衣迦葉譬如死屍人所不貪不生我所心法應除棄迦葉如是糞掃衣非我非我所是易得

富四

八

非邪命不求他不觀他顏色捨棄之物糞掃無異亦無所屬是故名糞掃衣迦葉畜糞掃衣是法幢以大仙人故是姓以聖人故足安住以聖種故是專念以善法儀式故是善護以戒衆故是向門以定衆故是安住以慧衆故是身以解脫衆故是順法以解脫知見衆故迦葉如是畜糞掃衣得大福德無所希求無所貪著能離慢心能捨重擔迦葉若有比丘畜糞掃衣以知足故諸天龍鬼神貪樂欲見迦葉畜糞掃衣比丘若入禪定釋梵四天王長跪合掌頭面作禮況餘小天迦葉若有惡比丘勤求衣服以嚴飾身外現淨行而內具足貪欲恚癡雖作如是好嚴飾身而諸天龍神不至其所禮敬供養何以故知此比丘勤求衣服以嚴飾身不除心心數法堵諸天知故則遠捨去迦葉汝見周那沙彌捨不淨臭穢糞掃中物乞食食已至阿耨大池欲浣濯之余時池邊有常住諸天皆遠奉迎頭面作

禮彼諸天等皆樂淨潔而取周那沙彌所捉不淨糞掃衣而爲浣之令無垢穢又取浣汁自以洗身諸天知周那能持淨戒入諸禪定有大威德是故奉迎恭敬作禮迦葉汝見湏跋陀梵志著淨潔衣乞食已欲至阿耨大池時常住諸天於池四面面各五里遙遮梵志

字四

九

不令近池恐以不淨食及以殘食汙此大池迦葉汝今現見此事以聖人正行威德故得是果周那沙彌所有不淨糞掃中物而諸天取之爲浣亦以浣汁自洗其身湏跋陀梵志去池五里不令近之迦葉誰聞是已於聖法中不勤修學彼諸聖人諸天世人皆來頭面禮敬供養迦葉欲求如是聖德故畜糞掃衣迦葉畜糞掃衣比丘安住聖種不應生憂於糞掃衣應生塔想應生世尊想應生出世想應生無我無我所想如是觀已著糞掃衣應如是調伏其心由心淨故得身淨非身淨故得心淨迦葉是故當淨其心莫嚴飾身何以

當知汝衣尚得如是尊重禮敬況汝身耶迦葉我捨轉輪王位出家學道先所著好上妙繡衣頭羅衣好細疊衣諸上妙衣一切著已我今知足行於聖種爲餘人故身捨妙服畜家間衣若當來比丘聞我此法即得學我迦葉汝本有金縷上衣我從汝索汝持與我迦葉我愍汝故即爲汝受非以貪故非以嚴身故迦葉有惡比丘不能學我亦不學汝爲貪所覆多畜衣鉢積聚飲食藏舉不捨亦畜金銀琉璃穀米牛羊鷄猪驥馬車乘犁具家業所湏皆求畜之迦葉有智之人雖在於家能增善法非癡人出家得是善分云何智人在

家能增長善法迦葉若有出家以袈裟遶項無沙門行多有緣事種種繫縛求好衣食著袈裟已在家人見禮敬給施衣服飲食卧具湯藥來去迎送迦葉在家之人得如是善法彼出家人無有是事何以故彼出家人多求所湏不能施他故迦葉當來有比丘多畜衣

字四

十

鉢多有諸物時彼比丘多爲諸在家人所見禮敬尊重讚歎何以故謂是比丘多受他施或持與我我有所湏能時時與迦葉或有比丘持戒見世過患勤修善法離一切漏如救頭然其心知足少諸緣事勤修自利離於切習惡緣者而彼比丘無人往至其所無親近

者無禮敬尊重讚歎者何以故彼在家人輕躁淺薄見現世利不見後世利彼在家人生如是心此比丘邊不得利益用親近爲用禮敬尊重讚歎爲除貧窮人少善根者宿緣應敬者迦葉如是人等親近禮敬尊重讚歎持戒比丘以爲善知識迦葉如是說已稱可二

種人意何等二一者若見四聖諦二者若見生死過患復有二一者勤行欲離四極二者欲得沙門果復有二一者專念業報二者欲知諸法相義迦葉我今閉塞一切懈怠者門所謂不知業不知業報者離善儀式者不見後世過惡喻如金剛見現世利不見後世利

不生一念向解脫門者迦葉我今說彼惡比丘不應希望若說如是法若遇如是法聞如是法已自知所行不解深法而誹謗之謂非佛說是論師作或魔所說用教餘人彼惡比丘如是自害亦復害他自染垢汙亦垢汙他是惡比丘不能自利亦不利他余時摩訶迦

葉白佛言世尊如諸佛大悲故說專行比丘於諸法中得自在者如來於此經中已廣說竟世尊若有衆生聞此經已信解讀誦向如實法當知是諸衆生已爲諸佛之所攝取介時佛告阿難若有受持是經者已於先佛種諸善根故今欲得此經讀誦通利欲得解脫

所謂善男子善女人若出家學若在家學此法門能斷諸漏亦得涅槃阿難白佛言世尊我欲受持此經當何名此經云何受持佛告阿難此經名選擇一切法寶亦名安住聖種儀式亦名攝取持戒者亦名節解破戒者亦名寶梁亦名寶聚亦名寶藏亦名諸寶法門摩訶迦葉問大衆寶梁經竟諸比丘衆聞佛所說歡喜奉行

十一

大寶積經卷第一百十四

字四

菩薩日幢菩薩無邊幢菩薩復有十六在家
菩薩跋陀婆羅而爲上首復有六十無比喻
心菩薩摩訶薩文殊師利而爲上首復有賢
劫中一切菩薩摩訶薩彌勒菩薩而爲上首
復有六萬菩薩摩訶薩無盡慧菩薩而爲上
首余時無盡慧菩薩即從坐起偏袒右肩右
膝著地合掌向佛頭面禮敬以衆寶花奉散
於佛而白佛言世尊所言菩提心者以何義
故說菩提心菩薩復以幾法成就菩提心云
何是菩提心菩提中心不可得心中菩提亦
不可得離菩提心不可得離心菩提亦不可
得菩提者無色無相不可言說心亦無色無

大寶積經卷第一百一十五

大唐三藏法師菩提流志奉詔譯

無盡慧菩薩會第四十五
如是我聞一時佛在王舍城耆闍崛山與大比丘衆千二百五十人俱尔時復有一萬菩薩摩訶薩俱所謂慧幢菩薩法幢菩薩月幢薩摩訶薩俱所謂慧幢菩薩法幢菩薩月幢

相不可顯示衆生亦爾皆不可得世尊諸法
如是當依何義而得修行佛言善男子汝今
聽我說菩提者本無名字言說何以故於
菩提中名字言說不可得故心及衆生亦復
如是若如是知名菩提心菩提者非過去未
來現在心及衆生亦非過去未來現在若知